



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Archiepiscopatus de littera C. cap. XXI.

urn:nbn:de:hbz:466:1-38372

do ex hac luce migraverit, mihi hæcenus incompertum. *Mattheus Uest. ad annum 1173. & Demochares de sacr. Missæ To. 2. c. 26*
 D. ANDREAS d'Espina, Armoricensis Gallus, Monachus & Prior S. Martini de Campis, ex Archiepiscopo Arelatensi, Burdigalensis factus; non multo post Lugdunensis, & tandem S. R. E. Cardinalis renunciatus est anno 1489. *Belforestius de Monachatu; & Leonardus Sarracenus apud Democharem de Sarif. Missæ Tomo 2. cap. 27. in Catalo. Archiep. Lugdun. de Archiepiscopatu.*

Archiepiscopatus de Littera C.

Cantuariæ qui & Dorouernenses, in Anglia.
 Cap. XX.

I.



ANCTVS Augustinus, Italus, Romanus, Monachus & Præpositus Monasterij S. Andreae Romæ, in cliuo Scauri, Ordinis S. Benedicti, missus in Angliam ad illius gentis conuersionem, a S. Gregorio Papa I. cum aliquot Socijs Monachis anno Domini 596. cum Edilbertum Cantia Regem sexto post anno sua prædicatione ad Christum adduxisset, Arelatum profectus ab illius sedis Archiepiscopo Etherio, (quem Greg. Tur. lib. 9. cap. 23. Licerium vocat) primus Dorouernensis, siue Cantuariensis Archiepiscopus consecratus est anno Domini 602. Præfuit autem eidem Ecclesiæ annis plus minus octo, conuersioni infidelium, prædicationibus, & augmentationi Ecclesiarum toto illo tempore semper intentus. Cursu vero peregrinationis suæ laudabiliter, in omnibus sanctitatis operibus, expleto, ad Dominum migravit anno 609. die septimo calendas Iunij, iuxta Ecclesiam Monasterij SS. Apostolorum Petri & Pauli sepultus: ad cuius tumulum sequens olim legabatur Epitaphium.

Hic requiescit Dominus Augustinus, Dorouernensis Archiepiscopus primus, qui olim huc a Beato Gregorio, Romano Urbis Pontifice, directus, & a Deo operatione miraculorum suffultus, & Edilbertum Regem, & gentem illius ab Idolorum cultu ad fidem Christi perduxit, & completis in pace diebus officij sui defunctus est, septimo calendas Iunij, eodem Rege regnante.

Beda

Beda in hist. Angl. lib. 1. a capite 21. ad 33. & lib. 2. cap. 2. & 3. Trittemius lib. 4. cap. 48 & alij infiniti.

2 S. LAURENTIVS, Romanus, Monachus S. Andreae, Romae, eiusdem S. Augustini indiuiduus comes, & in Evangelica messe cooperator, idcirco, ut ait Beda, ab ipsomet S. Augustino cum adhuc ueretur ordinatus, ne se defuncto status Ecclesiae tam rudis, vel ad horam Pastore destitutus, vacillare inciperet: Gradu igitur Archiepiscopatus potius, strenuissime fundamenta Ecclesiae nobiliter iacta, per annos tredecim quibus eam rexit & gubernauit, studuit augmētare. Decessit autem anno Christi 621. quarto Nonas Februarii: & iuxta praedecessorem suum sepultus est. *Beda lib. 2. cap. 4. 5. 6. & 7. Trittemius lib. 4. cap. 49. & Matthaeus Vuestmonasteriensis in floribus historiarum ad annum 621.*

3 S. MELLITVS, Monachus & Abbas Romanus, ex Londoniensi sede, ad Cantuariensem cathedram post S. Laurentium anno 621. euectus: in ea sedit annos quinque: quibus finitis praemium sui laboris percepit anno 625. die nono calendas Martii. *Beda lib. 2. cap. 7. Trittemius lib. 2. cap. 50. & alij.*

4 S. IVSTVS, Romanus, Monachus & ipse Romanus, Rosensis Ecclesiae, cuius erat Episcopus, administratione post habita, Cantuariensi praefectus est anno 625. eique praefuit annis plus minus quinque, obiit enim anno 630. die quarto Idus Nouembris. *Beda lib. 2. c. 8. Trittemius lib. 4. cap. 51. & Matthaeus Vuestm. ad an. 625. & 630.*

5 S. HONORIVS, Romanus, Monachus Romanus, ut putatur, Sancti Andreae quinto loco ab Augustino consecratus est Cantuariensis Ecclesiae Antistes, a S. Paulino Eboracensi Praesule, anno 630. primusque Pallium Archiepiscopatus accepit ab Honorio Papa I. fuit in potestate annis 23. ac obiit anno Domini 654. pridie calendas Octobris; quo defuncto vacauit sedes annum 1. & menses 6. *Beda lib. 2. cap. 18. & 19. & lib. 3. cap. 20. Trittemius lib. 4. cap. 54. Matthaeus, & alij.*

6 S. DEVSDEDIT, seu Theodatus, Anglus, Saxo Occidentalis, & Monachus cuiusdam coenobii in Anglia, ordinatus est sextus Cantuariae Archiepiscopus a Thamare Rosense Episcopo, die septimo calendas Aprilis, anno 656. Cum autem eam Ecclesiam rexisset annos nouem, menses quatuor, & dies duos, plenus dierum obiit anno Domini 665. Idibus Iulii, cui successit Damianus quidam de gente Saxonum Australium. *Beda lib. 3. cap. 20. Trittemius lib. 4. cap. 56. Matthaeus tamen Deusdedit mortuo, dicit sedem uacasse annos*

annos quatuor, sed errare conuincitur, ex ijs enim anni duo dandi sunt Damiano Archiepiscopo, quem ipse omittit, sed Beda eum enumerat; & alii duo anni tribuendi sunt S. Theodoro, antequam Angliam intraret.

S. THEODORVS, a Tharso Ciliciæ, Græcus, Monachus Romanus, a Vitaliano Papa Archiepiscopus Cantuariensis die septimo calendas Aprilis in Dominica, anno 668. Romæ consecratus: iter Angliam versus arripuit, una cum S. Adriano Abbate, die sexto calendas Iunii; eodemque die in Dominica Angliam ingressus est anno 670. qui erat secundus ab eius discessu ex Vrbe. Sedit autem annos 21. menses 3. & dies 26. Senex obiit die decimotertio calendas Octobris anno 690. ætatis suæ 88. Quem se numerum annorum suum se habiturum, ipse iam dudum somni reuelatione doctus, suis prædicere solebat. Sepultus est in Monasterio SS. Petri & Pauli, cum suis prædecessoribus. Cuius personam, vitam, uirtutem, & obitum, Epitaphium monumenti ipsius, versibus Heroicis triginta & quatuor palam ac lucidè cunctis illo uenientibus olim pandebat. Quorum primi sunt hi.

*Hic sacer in tumba, pausat cum corpore Præsul,
Quem nunc Theodorum, lingua Pelasga uocat.
Princeps Pontificum, felix, summusq; Sacerdos,
Limpida discipulis dogmata disseruit.*

Ultimi autem hi.

*Namque diem nonamdecimam Septembris habebat,
Cum carnis claustra spiritus egreditur:
Alma nouæ scandens felix consortia uitæ,
Choris Angelicis iunctus in arce poli.*

Vacat eo mortuo sedes an. 1. mens. 9. die 11. Beda lib. 3. c. 23. et 30. lib. 4. a capite 1. ad 22. & lib. 5. cap. 8. Tritemius lib. 4. c. 60. Mattheus, & alij. Scripsit Epistolas plures; & de Pœnitentia, lib. 1.

S. BERECHTVALDVS, seu Brithuualdus, Anglus, Monachus & Abbas Monasterii Rachuilfe, Theodoro post annum unum, mens. 9. & dies 11. uacantis sedis, an. 692. substitutus est, die primo mensis Iulii: & anno sequenti, tertio cal. Iulii in Dominica a Godune Metropolitano Galliarum Episcopo, consecrationis suæ munus accepit. Incepit autem munus Episcopale in sede sua exercere eodem anno pridie cal. Septembris in Dominica. Migravit a sæculo anno Dominicæ Natiuitatis 731. die 5. Idus Ianuarii, potestatis suæ anno 39. Beda lib. 5. c. 9. Tritemius lib. 4. c. 65. Mattheus, & alij.

S. T A-

10 S. TADVINVS, Mercius, Anglus, Monachus cœnobij Bruti-
nensis in Anglia, creatus anno 731. die 4. Idus Iunij consecratus est:
præfuit annis tribus, obiit que anno 735. *Trittemius lib. 4. cap. 69.*
Polydorus lib. 6.

14 D. LAMBERTVS, Anglus Monachus & Abbas SS. Petri &
Pauli, quod cœnobium S. Augustinus construxerat; creatus anno
760. fuit in officio annis 27. Obiit anno 787. *Polydorus in hist. Angl.*
lib. 6. & alij.

15 D. ADELARDVS, siue Ethelhardus vel Æthelhardus Monac.
& Abbas Malmesburiensis, Anglus, creatus anno 787. sedit annos
13, migravitque anno 800. *Monachus continuator Bedæ lib. 1. c. 15.*

24 S. DVNSTANVS, Anglus, Monachus, & Abb. Glasconiensis,
ex Episcopo Londoniense, & Vuigornienfe, factus est Cantuarien-
sis Archiepiscopus 24. anno Domini 973. quod munus exercuit per
annos 28. cæleste regnum assequutus anno ætatis 79. Christi Domi-
ni 1001. die 14. calen. Iunii. Scripsit nonnulla opuscula, videlicet

In Regulam S. Benedicti Tractatum paruum, qui excusus est
in Belgio, in octauo.

De ordinatione cleri lib. 1.

Epistolarum contra Regem Eduinum, lib. 1.

Polydorus lib. 6. & 7. Trittemius lib. 4. cap. 100. & alij.

25 D. ÆTHELGARVS, Monachus & Abbas Monasterij Noui
apud Vuintoniam, ex Episcopo Selesience, S. Dunstano anno Domi-
ni 1001. surrogatus, Ecclesiam sibi commissam strenuè cum guber-
nasset vno anno, obiit anno 1002. uel 1003.

26 D. ÆLFRICVS, qui a Polydoro uocatur Aluricius seu Alure-
dus, Monachus & Abbas Abbendonensis, Æthelgarum immediate
subsequutus, ouibus suis uerbo & exemplo profuit. Obiit anno Do-
mini 1004. regiminis sui secundo incepto.

ANNOTATIO.

Horum duorum Monachisimum probat *Matthæus Questmonaste-*
riensis ad annos 988. & 989. quibus annis principium regiminis eorum
annotat. Sed errorem esse in impressione ex eo auguror, quod præfato anno
988. prædictus Æthelgarus ex Abbate Monasterij Noui creatus sit Epi-
scopus Selesientis, & verisimile est, quamuis illud ab auctore non produ-
tur, eundem aliquot annis sedi illi præfuisse antequam ad Cantuariensem
euocaretur: sequimur igitur in annorum numeris digerendis diligentissi-
imum Polydorum, qui lib. 7. horum annorum computationem in dubium
reuocat, ex temporumque ratione, hos non nisi annis 1001. & 1003. crea-
tos,

tos, apertissimè demonstrat; tres enim qui S. Dunstano immediate successerunt vsque ad S. Aelphégum, annos octodecim scdise refert; cui & consentit Mattheus præfatus, Siricio enim sexdecim, Aethelgaro uero & Aelfrico, duos, attribuit; & cum S. Aelphégus, ut rectè annotat Polydorus, martyrio coronatus legatur anno Domini 1025. regiminis sui anno sexto, sequitur vt horum quoque creatio, annis 1001. & 1003. rectè posita, dicatur. Si quis tamen aliter sequi voluerit, non improbo.

28 S. ÆLPHEGVS Anglus, Monachus & Abb. Monasterii, quod Balneum uocatur, in Anglia, ex Episcopo Vintoniense, assumptus est anno 1019. Martyrio coronatus est a Danis die decimo tercio calendæ Maii, anno Christi 1025. regiminis sui 6. ætatis 59. Polydorus lib. 8. Tritemius lib. 4. cap. 113. & alij.

30 S. ÆGELNOTVS siue Aethelnothus Anglus, Monach. in Anglia, creatus est anno Domini 1030. sedit annos 8. Obiit anno 1038. die 3. cal. Nouembris. Scripsit inter cætera, In laudem Beatæ Mariæ, lib. 1. & Epistolarum, lib. 1. Tritemius lib. 3. cap. 247. & alij.

34 S. LANFRANCVS, Italus, Papiensis, nobilissima familia Beccaria ortus, Monachus Beccensis, deinde Abbas Monasterii S. Stephani Cadomi in Normandia, uir sua ætate doctissimus, ad regimen Cantuariensis Ecclesiæ sublimatus anno Domini 1070. sequenti anno, die octauo calendæ Maii, consecrationis munus accepit. Prouinciam sibi commissam, summa cum sua laude gubernauit annos 19. & miraculorum gloria, ac doctrinæ laude clarus, migravit a sæculo anno 1089. die quinto Nonas Iulii. Tritemius lib. 4. cap. 119. Polydorus lib. 9. & 10. Neubrigensis lib. 1. c. 1. & alij. Vacauit eo mortuo sedes Cantuariensis, annos 4.

35 S. ANSELMVVS, Italus, Longobardus; ex Augusta Taurinorû originem ducens: Monachus, & Abbas Beccensis in Notmandia, anno quinto iam incipiente uacantis sedis creatus Cantuariæ Archiepiscopus, anno uidelicet 1093. consecratus est pridie nonas Decembris: eo munere functus est annis 16. & sanctitate, & doctrina præclarus obiit, anno Domini 1109. ætatis 76. die Iouis Sancto, vndecimo calendæ Maii. Vacauit sedes eo mortuo annos ferè 5. Polydorus lib. 10. & 11. Tritemius lib. 4. cap. 122. Neubrigensis lib. 1. cap. 2. & alij.

36 D. RADVLPHVS, seu Rodulphus, Monachus & Abbas Sagiensis cænobii, anno 1114. qui erat a morte S. Anselmi quintus, Ecclesiæ Cantuariensi Prælatus electus est die 6. cal. Maii: & anno 1115. die 5. cal. Iulii, ab Anselmo Legato Apostolico consecratus, & Pallio ornatus, præfuit annis plus minus 9. fuerat autem ante Episcopus Roffen-

Roffensis, Obijt anno 1122. *Guglielmus Neubrigensis lib. 1. c. 3. Polydorus lib. 11.*

37. D. GUGLIELMVS de Curboilo, Monachus & Prior de Cliche, in locum Radulphi creatus, præfuit annis 14. obiitque anno 1136. *Matthæus Vvesim. ad annos 1122. 1123. & 1136.*

38. D. THEOBALDVS, Anglus, Monachus, & Abbas Beccensis, statim ut ad illam sedem assumptus est anno Domini 1141. Romam protinus petrexit, ubi accepto de more Pallio, legatus ab Innocentio II. Romano Pontifice factus est. Quod munus postea manavit ad omnes Cantuarienses Episcopos, ut Legati nati dicantur. Ecclesiam sibi creditam rexit annos 22. omnibus, piis maximè, ac doctis caris; ad Patres suos translatus anno 1163. Quo defuncto uacavit sedes, annum unum. *Neubrigensis lib. 1. cap. 5. Tritemius lib. 4. cap. 125. Polydorus lib. 13. & alij.*

40. D. RICHARDVS, Anglus, Monachus, & Prior Monasterii Douerensis in Anglia, in demortui S. Thomæ martyris locum restitutus an. 1170. (recusante Roberto Monacho & Abbate Beccense, qui ante eum electus, electioni de se factæ assentiri noluerat, pietate & Religione ductus) quatuordecim post annos, 1184. videlicet, vitam cum morte commutavit. *Neubrigensis lib. 2. cap. 25. & lib. 3. cap. 1. & 8. & Matthæus Vvesim. ad annos citatos.*

44. D. REGINALDVS, Monachus & Supprior Monasterii S. Saluatoris Douerensis siue Cantuariensis, a Monachis in locum Huberti, electus & confirmatus anno Domini 1205. non longe post ab eisdem reprobatus est, ob sacramenti quod Monachis promiserat, reuelationem; & eius loco Ioannes de Gray Episcopus Noruiciensis substitutus. *Matthæus ad annum 1205.*

47. D. VVALTERVS, Monachus Cantuariensis, Stephano Episcopo substitutus, paulo post a Rege reprobatus est, anno 1229. & in eius locum Richardus Archiepiscopus creatus. *Matthæus ad annum 1229.*

49. D. IOANNES, Monachus & Prior Cantuariensis, unanimiter electus anno 1232. & a Rege approbatus, cum Romam profectus fuisset ut electionem de se factam impetraret a sede Apostolica confirmari: a Romano Pontifice persuasus, qui eius quidem sanctitatem admittabatur, simplicitatem tamen minus idoneam tanto oneri iudicabat, in spiritu lenitatis, electioni de se factæ humiliter renunciauit, & ad suum Monasterium rediit: eius que loco quidam Ioannes Blundus creatus est. *Matthæus ad annum 1232.*

60. D.

60. D. SIMON Langham, Monachus & Abbas Vuestmonasterienſis, ex Episcopo Eliense, anno 1366. Simoni Islepo, Archiepiscopus substitutus, ita in regimine se gessit, ut biennio post in purpuratum numerum sociari meruerit. Obiit anno 1376. die 22. Iulii. *Thomas Vualsingham in hist. breui, ad annos 1349. 1366. & 1376.*

Capuani in Campania.

2. D. LEO, Monachus Monasterii Casinensis, post mortem Ioannis qui primus Archiepiscopus creatus fuerat a Ioanne Papa XIII. anno Domini 968. petente Landulfo Capuano Principe, prædicti Ioannis Episcopi Fratris, Capuanam ascendit sedem circa annum Domini 980. paulo ante, uel post, quam tenuit annos quatuor, & menses sex.

3. D. GERBERTVS, eiusdem Monasterii Casinensis Monachus, Leoni mortuo surrogatur, & cum aliquot annis Ecclesiam sibi concreditam strenuè administrasset, ad Patres suos appositus est, die duodecimo cal. Februarii. *De his duobus Leo Ostiensis in Chronico Casinensi lib. 2. cap. 9.*

Cæsar Augustani in Hispania.

D. GVLIELMVS de Agrifolio, Monachus Cluniacensis, renunciatus est Archiepiscopus & S.R.E. Presbyter Card. a Clemente Papa VI. anno 1350. & cum laudabiliter præfuisse annis 19. Vitebii obiit anno 1369. die quarto nonas Octobris, ibidem in Ecclesia S. Trinitatis sepultus. *Chron Cluniac. & Panuinus in Epitome.*

Colecienses in Hungaria, siue Colecenses.

S. ANASTASIYS, Africus antea vocatus, natione Italus, Monachus item Italus, & Abbas, S. Alexij Romæ, cum publica utilitate commotus ad prædicandum Dei verbum, cum aliquot socijs Monachis, in Hungariam, iam in fide adolescentem, vltro profectus esset, allectus quoque sanctitate Regis Stephani, ab eodem honorificè exceptus, primum Abbas S. Benedicti ad radicem Montis Ferrei (quod cœnobium ipse Rex tunc primum construxit, & ingenti donatio, multisque prædijs pagisque donauit) constitutus est: deinde cum moribus & doctrina præstas videretur Colecensis Ecclesie, primus ab eo Archiepiscopus creatus & consecratus est anno Domini 1000. & Africo nomine antiquato, Anastasius vocatus. Legatus etiam ad summum Romanum Pontificem, pro Regni negotijs, missus, eam prouinciam libenter suscepit, & maiori, quam credebatur, laude perfecit: omnibusque rectè peractis, coronam auream & Crucem Regi deferens, in Pannoniam se recepit. Postmodum Sebastiano

bastiano Strigonienſe Archiepiſcopo luminibus priuato, vtrique Ec-
cleſia, ſua ſcilicet & Strigonienſi in omni ſanctitate præfuit: eo-
que ſanitate donato ad Eccleſiam ſuam rediens, miraculis & ſan-
ctitate clarus, quieuit in Domino. Floruit ab anno Domini 1000.
uſque ad 1030. vel circa. *Antonius Bonfinius rer. Hung. decadis 2. lib. 1.*
Colonienses, ſiue Agrippinenses, in Germania.

S. AGILOLPHVS, Monachus Ordinis S. Benedicti. Colonia-
enſis Archiepiſcopus creatus circa annum Domini 700. exemplo Bo-
ni Paſtoris, pro ouibus ſuis animam ſuam poſuit, & martyrij palma
coronatus cælos petijt, die ſeptimo, Idus Iulij. *Petrus Cratepolius de*
Episcopis Germaniæ in Hugone Citiſenſi Epifcopo.

S. HERMANNVS, Monachus & Abbas S. Panſaleonis Colo-
niæ, floruit circa annum Domini 1060. ministerioque ſuo laudabi-
liter peracto, appoſitus eſt ad Patres ſuos. *Cunradus Monachus, in v̄*
ta S. Vuolphelmi apud Surium die 22. Aprilis.

Compoſtellani, in Galicia Hispaniæ.

I. D. DALMACHIUS Gallus, Monachus Monasterij Cluniacen-
ſis, & Epifcopus Irieniſis, qui & Compoſtellanus vocabatur, ab Vrba-
no Papa II. Monacho Cluniacenſe, creatus & conſecratus eſt primus
Compoſtellanus Galliciënſis Archiepiſcopus, anno Chriſti 1096. uel
1095. Quo anno tamen obierit mihi hæcenus incompertum. *Ioan-*
nes Vaſeus in Chronico. cap. 2. r. Huius Dalmachii talis extat apud MS.
Chron. Cluniacenſe memoria.

His diebus dedicata fuerunt altaria intra ambitum eius conſiſtorij,
quæ ſunt in numero 26. Inter quæ ſunt conſecratum altare S. Iacobi a Do-
mino Dalmacio Epifcopo euſdem S. Iacobi Apoſtoli: qui huius Monaſte-
rij Cluniacenſis fuerat Monachus. De qua re habetur Epygramma in di-
ſta Capella, in modum qui ſequitur.

Hoc Altare conſtructum eſt, a Donno Dalmacio Sancti Iacobi Apo-
ſtoli Epifcopo, & iſtius loci Monacho, in honorem euſdem Beati Iaco-
bi, ac omnium Sanctorum. In quo continentur plures Reliquiæ Sancto-
rum, quorum nomina non ſunt ſcripta, niſi de duobus, videlicet, Enniterij,
& Celidonij, Martyrum.


Cracouienses in Polonia.

7. D. AARON, Gallus, Monachus Cluniacenſis, & Abbas Ti-
neceniſis in Polonia, uir integritatis ſummæ, & pietatis eximiæ, a to-
to Canonicorum collegio ſummis uotis expetit, aſſentiente etiam
Rege Caſimiro, quondam cenobij Cluniacenſis Monacho, Pontifex
renunciatus, opinionem de ſe conceptam non feſellit. Vixit ſub
eodem.

eodem Rege anno Domini 1050. *Martinus Cromerus in historia Poloniae, lib. 4. in Casimiro Rege; & alij Polonici scriptores.*

Archiepiscopatus de littera D.

Dolenses in Britannia minori. Cap. XX.

I  **A**NCIVS Samson, Brito, Monachus, & Abbas Monasterii Dolensis, consecratus est primus Metropolitans Dolensis anno Domini 566. a Patribus Concilij Parisiensis, & potestate sibi tradita, laudabiliter expleta, ad Dominum migravit circa annum Christi 600; administrationis suæ anno 35. die quarto calendas Augusti. *Tritemius lib. 4. cap. 46. Cenalis lib. 2. perioche 6. & alij.*

2. **S. MAGLORIVS**, Brito, Monachus, & Abbas Dolensis, anno circiter 600. Samsoni substitutus, in omni sanctitate vitam traduxit, & miraculis clarus migravit ad Christum, anno, ut nonnulli scribunt 612. regiminis sui 13. die 24. Octobris. *Tritemius lib. 4. cap. 47. & alij citati.*

D. IOANNES, Gallus, Monachus, & Abbas Dolensis, S.R.E. Cardinalis creatus ab Eugenio Papa III. circa annum Domini 1146. postea factus est Archiepiscopus Dolensis. *Luchinus in suis colloquijs MS.*

D. SYMON, le Maire, Monachus & Abbas Maioris Monasterii in Gallia, creatus circa annum 1340. paulo ante uel post. *Demochares Tomo 2. cap. 18.*

Dublinenses in Hybernia.

S. LAURENTIVS, Hybernus, Monachus & Abbas Monasterii Glindalacensis, creatus Archiepiscopus circa annum Domini..... Sanctorum Catalogo adscriptus est anno 1226. ab Honorio Papa III. Obiit anno..... die decimo octavo calendas Decembris. *Suaris in eius vita, die 14. Nouembris.*

Archie-